

一、孝感動天

虞舜。瞽搜之子。性至孝。父頑母嚚。弟象傲。舜耕於歷山。有象為之耕。有鳥為之耘。其孝感如此。帝堯聞之。事以九男。妻以二女。遂以天下讓焉。系詩頌之。詩曰

對對耕春象 紛紛耘草禽

嗣堯登帝位 孝感動天下

二、親嘗湯藥

西漢文帝。名恆。高祖第三子。初封代王。生母薄太后。帝奉養無怠。母嘗病三年。帝目不交睫。衣不解帶。湯藥非親嘗弗進。仁孝聞於天下。系詩頌之。詩曰

仁孝聞天下 巍巍冠百王

母后三載病 湯藥必先嘗

三、嚙指心痛

周。曾參。字子輿。事母至孝。參曾採薪山中。家有客至。母無措參不還。乃嚙其指。參忽心痛。負薪以歸。跪問其母。母曰。有客忽至。吾嚙指以悟汝耳。後人系詩頌之。詩曰

母指方纏嚙 兒心痛不禁

負薪歸未晚 骨肉至情深